



全國高等院校古籍整理研究工作委員會規劃重點項目

全唐五代詩

七





金唐五代詩

七

主編 周勛初 傅璇琮 郝賢皓 吳企明 佟培基
常務編委 孫方 楊軍 嚴杰 羅時進 吳河清 武秀成

陝西出版傳媒集團
陝西人民出版社

國家出版基金資助項目

全國高等院校古籍整理研究工作委員會資助項目

江蘇高校優勢學科建設工程資助項目

南京大學「中國文學與東亞文明協同創新中心」資助項目

南京大學「九八五工程」資助項目

南京大學人文社科基金資助項目

全唐五代詩卷一四二

陶翰

陶翰，潤州丹陽（今屬江蘇）人。行大。玄宗開元十八年，登進士第。明年，登博學宏詞科。授華陰丞。天寶元年，又中拔萃科。累遷太常博士、禮部員外郎。約卒於天寶末。翰善詩文，尤長於五言古詩。殷璠稱其「詩筆雙美」，其詩「既多興象，復備風骨」。有《禮部員外郎陶氏集》，顧況爲作序，不傳。《全唐詩》編其詩爲一卷。今據羣書重輯其詩一卷。（《華陽集》下《禮部員外郎陶氏集序》、《唐會要》七六、《唐詩紀事》二〇、《寶刻叢編》一〇、《唐才子傳校箋》二）

古塞下曲〔一〕

進軍飛狐北，窮寇勢將〔二〕變。日落〔三〕沙塵〔四〕昏，背河更一戰。駢〔五〕馬黃金勒，雕弓白羽箭。射殺〔六〕左賢王，歸奏未央殿。欲言塞下事，天子不召〔七〕見。東〔八〕出咸陽門，哀淚如霰〔九〕。河岳英靈集上，又玄集上，才調集七，伯二五六七，文苑英華一九七，唐百家詩選四，唐詩紀事二

○、樂府詩集九二、唐詩品彙一六、全唐詩一四六。

〔一〕題：伯二五六七作古意，英華、紀事作塞下曲。〔二〕勢將：英華作兵勢。〔三〕日落：樂府作落

日。〔四〕沙塵：汲本、毛本、叢刊本英靈、伯二五六七、品彙作塵沙。〔五〕駢：又玄集、英華、紀事作

駿。〔六〕殺：伯二五六七作煞。〔七〕召：才調集作詔。〔八〕東：又玄集、才調集作西。

〔九〕哀哀淚如霰：英華作哀淚如霰線。

按：《唐文粹》一一、《唐詩紀事》二六、《全唐詩》二五九作王季友詩，誤。

燕歌行

請君留楚調，聽我吟燕歌。家在遼水〔一〕頭，邊風意氣多。出身爲漢將，正值戎未和。雪中凌天山，冰上渡交河。大小百餘戰，封侯竟〔二〕蹉跎。歸來霸〔三〕陵下，故舊無相過。雄劍委塵匣，空門惟〔四〕雀羅。玉簪〔五〕還趙姝〔六〕，瑤琴〔七〕付齊娥。昔日不爲樂，時哉今奈何。河岳英靈集上，文苑英華一九六，唐詩紀事二〇，樂府詩集三二，唐詩品彙一六，全唐詩一九、一四六。

〔一〕水：全詩一四六校作東。〔二〕竟：英靈作意。〔三〕霸：英華、品彙、全詩作灞。〔四〕惟：英

華、全詩作垂。〔五〕簪：紀事、品彙、全詩作簪。〔六〕姝：英華、樂府、全詩作女。〔七〕瑤琴：英

華、樂府、全詩作寶瑟，紀事、品彙作瑤瑟。

贈鄭員外

驄馬拂繡裳，按兵遼水陽。西分雁門騎，北逐樓煩王。聞道五軍集，相邀百戰場。風沙暗天起，虜陣〔一〕森已行。儒服揖〔二〕諸將，雄謀吞八〔三〕荒。金門來〔四〕見謁，朱紱生輝光。數載〔五〕侍御史，稍遷尚書郎。人生志氣立，所貴功業昌。何必〔六〕守章句，終年事蒼〔七〕黃〔八〕。同時獻賦客，尚在東陵旁〔九〕。河岳英靈集上、文苑英華二五二、唐詩紀事二〇、唐詩品彙一六、全唐詩一四六。

〔一〕陣：紀事、全詩作騎，品彙作陳。〔二〕揖：紀事作護。〔三〕八：英華、紀事、全詩作大。〔四〕來：英華作未，全詩校一作求。〔五〕載：全詩作年。〔六〕必：英華作以。〔七〕蒼：英華校集作鉛，紀事、全詩作鉛。〔八〕黃：紀事作皇。〔九〕旁：紀事、品彙、全詩作傍。

望太華贈盧司倉

作〔一〕吏到〔二〕西華，乃觀三峯壯。削成元氣中，傑出天〔三〕河〔四〕上。如有飛動色，不知青冥狀。巨靈安在哉，厥跡猶可望。方此嘆〔五〕行旅〔六〕，未〔七〕由飭〔八〕仙裝。葱隴〔九〕記星壇，明滅數雲障〔一〇〕。良友垂〔一一〕真〔一二〕契，宿心所微尚。敢投歸山吟，霞徑〔一三〕一相

訪。河岳英靈集上、文苑英華二五二、唐詩紀事二〇、唐詩品彙一六、全唐詩一四六。

- 〔一〕作：全詩作行。〔二〕到：英華、紀事作至。〔三〕天：紀事作大。〔四〕河：品彙作漢。
〔五〕嘆：品彙、全詩作顧。〔六〕旅：全詩校一作役。〔七〕未：汲本、毛本英靈、紀事、全詩作末。
〔八〕飭：英華作飾，紀事作訪。〔九〕隳：紀事、全詩作藪。〔一〇〕障：英華、紀事、全詩作嶂。
〔一一〕垂：品彙作隨。〔一二〕真：紀事作此。〔一三〕徑：英華作經。

晚出伊闕寄〔一〕河南裴中〔二〕丞

退無宴〔三〕息資，進無當代策。冉冉時歲〔四〕暮，坐爲周南客。前登闕〔五〕塞門，永眺伊城陌。長川黯已暮〔六〕，千里寒氣白。家本〔七〕渭水西，異日何〔八〕所適。秉志師禽回〔九〕，微言祖莊易。一辭林壑間，共繫風塵役。才名〔一〇〕忽先進，天邑多〔一一〕紛劇。豈念嘉遁時，依依耦〔一二〕沮溺。河岳英靈集上、文苑英華二五二、唐詩紀事二〇、唐詩品彙一六、全唐詩一四六。

- 〔一〕寄：英華作示。〔二〕中：英華無。〔三〕宴：紀事作燕，全詩作偃。〔四〕歲：品彙、全詩作將。〔五〕闕：紀事、品彙作關。〔六〕暮：英華、紀事、全詩作空。〔七〕本：紀事作在。〔八〕何：英華、紀事、全詩作同。〔九〕回：紀事、品彙、全詩作尚。〔一〇〕才名：英華作才明，紀事、全詩作交朋。〔一一〕邑多：汲本、毛本英靈、紀事、全詩作道何。〔一二〕耦：英華、紀事、品彙、全詩作偶。

贈房侍御時房公在新安

志人^{〔三〕}固^{〔三〕}不羈，與道常^{〔四〕}周旋。進則天下仰，已之能晏然。褐衣東府召，執簡南臺先。雄義每^{〔五〕}特^{〔六〕}立，犯顏豈圖全。謫居東南遠，逸氣^{〔七〕}吟芳荃。適會寥廓趣，清波更資緣。扁舟入五湖，發纜^{〔八〕}洞庭前。浩蕩臨海曲，迢遙^{〔九〕}濟江壖^{〔一〇〕}。徵奇忽忘返^{〔二〕}，遇興將彌年。乃悟范生智^{〔三〕}，足明漁父賢。郡臨新安渚，佳氣此城偏^{〔三〕}。日夕對層岫，雲霞映晴川。閑居變^{〔二四〕}秋色，偃卧含貞堅。倚伏自相^{〔二五〕}化，行藏亦^{〔二六〕}推遷。君其振^{〔二七〕}羽翮，歲晏將^{〔二八〕}冲天。河岳英靈集上、文苑英華二五二、唐詩紀事二〇、唐詩品彙一六、全唐詩一四六。

- 〔一〕時房公在新安；英華作時在新安，紀事作房在新安。〔二〕人：英華、全詩作士。〔三〕固：英華作故。〔四〕常：紀事作同。〔五〕每：紀事作乃。〔六〕特：英華作將。〔七〕氣：英華作意。〔八〕纜：英華作繫。〔九〕迢遙：英華作超遙，品彙作迢遞。〔一〇〕壖：英華、品彙作篇。〔一一〕返：紀事作反。〔一二〕智：英華校集作志。〔一三〕佳氣此城偏：英華校集作佳賓在城偏。氣：英華、紀事、全詩作賞。偏：英華作邊。〔一四〕變：紀事、品彙、全詩作戀。〔一五〕自相：英華、全詩作聊自。〔一六〕亦：紀事、全詩作互。〔一七〕其振：英華作其倦，紀事作期倦。〔一八〕將：英華、紀事作欲，英華校集作亦。

經殺子谷

扶蘇秦帝子，舉代稱其賢。百萬猶在握，可爭天下權。束身就一劍，壯志皆棄捐。塞下有遺跡，千齡人共傳。疏蕪盡荒草，寂歷空寒煙。到此空〔一〕垂淚，非我獨潸然。河岳英靈集上、唐詩品彙一六、全唐詩一四六。

〔一〕空：汲本、叢刊本英靈、品彙、全詩作盡。

乘潮至漁浦作〔一〕

艤舟〔二〕早乘〔三〕潮，潮來如風雨。樟亭〔四〕忽已隱，界峯〔五〕莫及覩。崩騰心爲失，浩蕩目無主。脰愴〔六〕浪始聞〔七〕，漾漾入漁〔八〕浦。雲景共澄霽，江山相含〔九〕吐。偉〔一〇〕哉〔一一〕造化靈〔一二〕，此事從〔一三〕終古。流沫誠足誠，高〔一四〕歌調易苦。頗因忠信全，客心〔一五〕猶栩栩。河岳英靈集上、文苑英華一六二、會稽掇英總集五、唐詩紀事二〇、全唐詩一四六。

〔一〕作：掇英無。〔二〕舟：掇英、全詩作棹。〔三〕早乘：英華、掇英、紀事、全詩作乘早。〔四〕樟亭：紀事作嶂高。亭：全詩作臺。〔五〕界峯：紀事作峯暗。〔六〕脰愴：紀事作風停。愴：英華作爐。〔七〕聞：英華、掇英、紀事作聞。〔八〕漁：全詩作魚。〔九〕含：英華、掇英、紀事、全詩作吞。

〔一〇〕偉：掇英、紀事作倬。〔一一〕哉：英華作然。〔一二〕靈：紀事、全詩作工。〔一三〕從：英華、紀事作已，掇英作以。〔一四〕高：掇英、全詩作商。〔一五〕心：英華、紀事作念。

宿天竺寺

松柏亂巖口〔一〕，山西〔二〕微徑通。天開〔三〕一峯見，宮闕生虛空。正殿倚霞〔四〕壁，千樓〔五〕標〔六〕石叢。夜來猿鳥靜，鐘梵寒〔七〕雲中。岑〔八〕翠映湖〔九〕月，泉聲亂溪風。心超諸境外，了與懸解同。明發氣候改〔一〇〕，起視〔一一〕長崖束。湖色濃蕩漾，海光漸瞳矓〔一二〕。葛仙迹尚在，許氏道猶崇。獨往古來〔一三〕事，幽懷期二公。河岳英靈集上、文苑英華二三四、唐詩紀事二〇、方輿勝覽一、唐詩品彙一六、全唐詩一四六。

〔一〕口：英華、方輿勝覽作石。〔二〕山西：英華、紀事、方輿勝覽作西山。〔三〕開：英華、方輿勝覽作關。〔四〕霞：英華校一作峯。〔五〕千樓：英華校集作上方，方輿勝覽作上方，全詩校一作上房。〔六〕標：英華、紀事、方輿勝覽、品彙、全詩作標。〔七〕寒：英華、方輿勝覽、全詩作響。〔八〕岑：英華、紀事、方輿勝覽作峯。〔九〕湖：紀事作明。〔一〇〕氣候改：紀事、全詩作唯改視。〔一一〕起視：紀事、全詩作朝日。〔一二〕瞳矓：英華、方輿勝覽作朦朧，品彙、全詩作瞳矓。〔一三〕來：英華、方輿勝覽作今。

早過臨淮

夜得三渚風^{〔一〕}，晨過臨淮島。潮^{〔二〕}中海氣白，城上楚雲早。鱗鱗魚^{〔三〕}浦帆，莽莽^{〔四〕}蘆洲草。川路日浩蕩，怒焉^{〔五〕}心如擣。且^{〔六〕}言任倚伏，何暇念枯槁。范子名屢移，蘧公志常^{〔七〕}保^{〔八〕}。古人去已久^{〔九〕}，此理難復^{〔一〇〕}道。河岳英靈集上、文苑英華二九二、唐詩紀事二〇、唐詩品彙一六、全唐詩一四六。

〔一〕夜得三渚風：紀事作夜泊三風渚。得：品彙、全詩作來。〔二〕潮：英華、全詩作湖。〔三〕魚：紀事、品彙作漁。〔四〕莽莽：英華、紀事、品彙、全詩作潏潏。〔五〕焉：英華作然。〔六〕且：英華作但。〔七〕常：英華作恒。〔八〕保：品彙作抱。〔九〕古人去已久：品彙作古人已云去，全詩校一作古人已云云。〔一〇〕難復：汲本、毛本、叢刊本英靈、品彙、全詩作今難，英華作誰足，紀事作難足。

出蕭關懷古

驅馬擊長劍，行役^{〔一〕}至蕭關^{〔二〕}。悠悠^{〔三〕}五原上，永眺關河前。北虜三十萬，此中常控弦。秦城亘宇宙，漢帝理旄^{〔四〕}旃。刁斗鳴不息^{〔五〕}，羽書日夜傳。五軍計莫就，三策議空全。大漠橫萬里，蕭條絕人煙。孤城^{〔六〕}當瀚海，落^{〔七〕}日照祁連。愴然^{〔八〕}苦寒奏^{〔九〕}，懷哉式微篇。更悲秦樓^{〔一〇〕}月，夜夜出胡天。河岳英靈集上、文苑英華三〇八、唐詩紀事二〇、唐詩品彙

一六、全唐詩一四六。

〔一〕役：英華作旅。〔二〕關：英華作邊。〔三〕悠：英華、紀事作然。〔四〕旄：英華作戎，紀事、品彙、全詩作旌。〔五〕息：紀事作歇。〔六〕城：英華、紀事作山。〔七〕落：英華作白。〔八〕然：英華、紀事、全詩作矣。〔九〕愴然苦寒奏：紀事作蒼梧苦寒客。〔二〇〕樓：英華作城。

送朱大出關

楚客西上書，十年不得意。平生相知者，晚節心各異。長揖五侯門，拂衣謝中貴。丈夫多離別〔一〕，各有四方事。拔劍因高歌，蕭蕭北風至。故人有斗酒，是夜共君醉。努力長〔二〕加餐，當年莫相棄。文苑英華二七〇、全唐詩一四六。

〔一〕離別：英華傳校、全詩作別離。〔二〕長：英華校、全詩作強。

秋山夕興

山月松篠下，月明山景鮮。聊爲高秋酌，復此清夜絃。晤語方獲志，栖心亦彌年。尚言興未逸，更理逍遙篇。文苑英華一六一、唐詩品彙拾遺一、全唐詩一四六。

送集賢學士伊闕史少府敕放歸江東覲省

墨客鍾張侶，材高吳越珍。千門來謁帝，駟馬去榮親。吏邑沿(二)清洛，鄉山指白蘋。歸期應不遠，當及未央春。文苑英華二八四、全唐詩一四六。

(一)沿：英華作治，據英華傳校、全詩改。

按：《全唐詩》一二三五作綦毋潛詩，誤。

柳陌聽早鶯(一)

忽來枝上囀，還似谷中聲。乍使香閨靜，偏傷遠客情。間關難辨處，斷續若頻驚。玉勒留將久，青樓夢不成。千門候曉發，萬井報春生。徒有知音賞，慚非皋鶴鳴。文苑英華一八五、唐詩品彙七六、全唐詩一四六。

(二)全詩校一本題上有奉試二字。

送金卿歸新羅

奉義朝中國，殊恩及(二)遠臣。鄉心遙渡海，客路再經春。落日誰(二)同望，孤舟獨可親。

拂波銜木鳥，偶宿泣珠人。禮樂夷風變，衣冠漢制新。青雲已干呂，知汝重來賓。文苑英華二九六、唐詩品彙七六、全唐詩一四六。

〔一〕及：品彙作反。〔二〕誰：英華校集作雖。

存目詩

題	首句(或全篇)	出處	辨正
弔王將軍	漂姚北伐時。	伯二五六七、補全唐詩。	常建詩，見宋刻本常建詩集上、河岳英靈集上、才調集一、文苑英華三〇三、唐詩紀事三一、全詩一四四。
南楚懷古	南國久蕪漫。	唐音統籤一一三、全唐詩一四六。	劉長卿詩，見明正德本劉隨州文集五、文苑英華三〇八、全唐詩一四九。
新安江林	江源南去永。	才調集七。	章八元詩，見中興間氣集上、文苑英華二九三、唐詩紀事二六、全唐詩二八一。

(張宗友整理)

全唐五代詩卷一四三

李嶷

李嶷，趙郡（今河北趙縣）人。江州別駕李承胤子。玄宗開元十五年，登進士第。官至右武衛錄事參軍。殷璠評其詩曰：「鮮淨有規矩，其《少年行》三章，詞雖不多，翩翩然俠氣在目也。」（《權載之文集》一二《李巽遺愛碑》、《國秀集》目錄、《河岳英靈集》下、《新唐書》七二下）

少年行三首

十八羽林郎，戎衣侍〔一〕漢王。臂鷹金殿側，挾彈玉輿傍。馳道春風起，陪遊出建章。河岳英靈集下、文苑英華一九四、唐詩紀事二二、樂府詩集六六、全唐詩二四、一四五。

〔一〕侍：紀事作從，樂府作事。

侍獵長楊下，承恩更射飛。塵生馬影滅，箭落雁行稀。薄霧〔二〕隨天〔三〕仗，聯翩入瑣

圍〔三〕。同前。

〔一〕霧：英華、紀事、樂府、全詩作暮。〔二〕隨天：英華校一作歸隨。〔三〕圍：英華、紀事、樂府、全詩作闌。

玉劍膝邊〔二〕橫，金杯馬上傾。朝遊茂陵道，夜〔三〕宿鳳凰城。豪吏〔三〕多猜忌，毋〔四〕勞問姓名。河岳英靈集下，國秀集中，文苑英華一九四，唐詩紀事二一，樂府詩集六六，全唐詩二四、二四五。

〔一〕邊：國秀集作旁。〔二〕夜：紀事、樂府作暮。〔三〕吏：全詩校一作俠。〔四〕毋：國秀集、英華、紀事、樂府、全詩作無。

按：此首《文苑英華》一九六又作崔國輔《俠客行》，誤。

淮南秋夜呈同僚〔一〕

天淨河漢高，夜閑砧杵發。清秋忽如此，離恨應難歇。風亂池上螢〔二〕，露光竹間月。與君共遊處，勿〔三〕作他鄉別。河岳英靈集下，唐文粹一五、唐詩紀事二二、全唐詩一四五。

〔一〕同僚：唐文粹、紀事、全詩作周備。〔二〕螢：英靈校一作萍，全詩作萍。〔三〕勿：全詩作忽。

林園秋夜作

林卧避殘暑，白雲長在天。賞心既如醉^(一)，對酒非徒然。月色偏^(二)秋露，竹聲兼夜泉。涼風懷袖裏，茲意與誰傳。河岳英靈集下、唐詩品彙一六、全唐詩一四五。

〔一〕醉：品彙、全詩作此。〔二〕偏：品彙、全詩作徧。

讀前漢外戚傳

人錄尚書事，家臨御路傍。鑿池通渭水，避暑借明光。印綬妻封邑，軒車子拜郎。寵因宮掖裏，勢極必先亡。國秀集中、全唐詩一四五。

按：《文苑英華》二八七題《清水西別李參》，作崔國輔詩，誤。

（徐雁平整理）

李重茂

李重茂（六九八—七一四），中宗第四子。武后聖曆三年，封北海王。中宗神龍初，封溫王。